

مع تحيات  
منتديات نور اسلامنا

[www.nourislamna.com](http://www.nourislamna.com)

ومجموعة نور اسلامنا البريدية

[/http://groups.yahoo.com/group/nour\\_islamna](http://groups.yahoo.com/group/nour_islamna)

"عشان ما تتضربش على قفاك.. كتاب صادرة الداخلية



بأسلوب بسيط وبطريقة السؤال والجواب، كتب ضابط الشرطة السابق عمر عفيفي "عشان ماتتضربش على قفاك!!"، في سبيل توعية المواطنين بحقوقهم. ومالبث ان طرح المكتب، الا وصادرته وزارة الداخلية. وبعد مطارادت امنية لعفيفي، قرر مغادرة البلاد الى الولايات المتحدة.

و"عشان ما تتضربش على قفاك" .. ننشر هذا الكتاب

إمتي يدخل الضابط بيتك من غير إذن وميكونش غلطان؟

: إيه الحالات اللي ممكن الظباط يدخلوا فيها البيوت من غير إذن تفتيش من النيابة؟ ج: من حق الشرطة يدخلوا البيوت لو حد من أصحاب البيت طلب منهم المساعدة أو النجدة من داخل البيت. س: زي إيه الحالات دي؟ ج: مثلا لو كان فيه حريق أو تسرب غاز أو بوتاجاز من بيت أو شق س: من حق ظباط المطافي أو المرور يعملوا قضايا للناس؟ ج: أيوه من حقهم لو لقوا حاجة صدفه وهم بيقوموا بشغلهم «مخدرات، سلاح مثلا» يمسكوها ويعملوا بيها محضر تلبس ويسلموه لأقرب قسم شرطة. س: وإيه حالات الضرورة الأخرى؟ ج: يجوز للشرطة اللي ليهم سلطة الضبطية دخول البيوت لو كانوا بيتعقبوا شخص له أمر ضبط وإحضار من النيابة أو المحكمة ومطلوب القبض عليه.

البيوت لها حرمة وتفتيشها له قواعد وأسس.. ولازم تعرفها

إمتي تطلع الإجراء باطل وتتهم الظابط في قضية تزوير محضر وتلفيق اتهام؟ للبيوت حرّمات، ولا يجوز لأي حد إنه يدخل بيت أو يفتشه إلا بأمر من النيابة العامة أو من المحكمة المختصة، ويكون أمر التفتيش مسبب، وأي حد يدخل بيت أو يفتشه بدون أمر قضائي يبقي ارتكب جريمة انتهاك حرمة مسكن. س: أعمل إيه لو كنت في بيتي ولقيت حد من الشرطة خبط علي الباب وعاوز يفتش بيتي؟ ج: لازم تتمالك نفسك ومتخفش وتتحقق الأول من شخصيته وتشوف كارنيهه وتعرف هو مين وبيشتغل إيه وفين وتطلب منه يوريك أمر التفتيش الأول قبل ما تدخله بيتك عشان يفتشه. س: إيه هو البيت؟ ج: للبيوت حرمة، والبيت هو كل مكان خاص بيقوم فيه الإنسان فترة من الزمن طويلة كانت أو قصيرة بصفة دائمة أو مؤقتة، وأي حاجة تتبع البيت وملحقة بيه تعتبر بيت وليها نفس حرمة البيت، ولو كان ملحق بالبيت حديقة أو مخزن س: هل شقة المصيف اللي بيقوم فيها الشخص فترة بسيطة من الوقت كل سنة تعتبر بيت ولها نفس حرمة البيوت؟ ج: شقة المصيف تعتبر بيت ولها نفس حرمة البيت. س: إيه هي الحالات اللي ممكن يفتشوا فيها شقتي أو بيتي؟ ج: لازم يكون معاهم إذن تفتيش مسبب من النيابة العامة أو المحكمة المختصة، ويكون اللي بيقوم بتنفيذ إذن ال س: أعمل إيه لو حد حاول يفتش بيتي بالعافية من غير أمر بالتفتيش؟ ج: تزرق وتلم عليه الجيران والناس اللي ماشيه في الشارع تشهدهم عليه بأنه انتهك حرمة بيتك وارتكب جريمة انتهاك حرمة مسكنك وتعمله محضر علطول وتطلب النجدة علي122 عشان تثبت حالة. س: أعمل إيه لو حد طلب مني إنه يفتش بيتي ومكنش معاه إذن بالتفتيش من النيابة وأحرجني؟ ج: لازم ترفض لأنك لو وافقت علي إنه يفتشك يبقي سقط حقك في الرفض وتبقي إديته الحق في تفتيشك برضاك، ولو فيه حاجة عندك ممنوعة «سلاح مش مترخص» مثلا تبقي حالة تلبس ومن حقه يقبض عليك ويبقي التفتيش سليم مادام وافقت عليه بمزاجك بدون إكراه أو ضرب أو تهديد. س: لو كان الظابط معاه إذن تفتيش ومفتحتش له، من حقه يكسر الباب؟ ج: الظابط لو معاه إذن بالتفتيش من حقه يكسر الباب ويفتش حتى أوضة النوم. س: بنسمع إن الظباط بيفتشوا وبعدين يطلعوا إذن التفتيش، نعمل إيه في الحالة دي؟ ج: تبعت علطول تلغرافات إن التفتيش تم في المكان الفلاني في الوقت الفلاني وياريت محدش يعرف الظباط إن حد بعث تلغرافات لأن في الحالة س: وهو ينفذ يكون إذن التفتيش من النيابة شفوي أو في التليفون؟ ج: لازم يكون مكتوب ولازم يكون مكتوب فيه اسم وكيل النيابة اللي طلعه واسم المتهم أو المتهمين المطلوب تفتيشهم والسبب وتاريخ صدور الأمر، لكن فيه حالات نادرة جدا ممكن يكون الإذن شفوي. س: وهو ممكن يصدر الأمر بالتفتيش لشخص والناس الموجودين معاه وقت التفتيش؟ ج: أيوه ممكن. س: وهو ينفذ التفتيش بالليل؟ ج: التفتيش ينفذ في أي وقت بالليل أو بالنهار وحتى في أيام العيد والعطلات الرسمية. س: ولو حد كان مستخبي في بيته وليه أمر ضبط وإحضار يقدر يدخلوا البيت ويفتشوه بالقوة؟ ج: من حقهم يدخلوا البيت ويفتشوا علي المتهم لتنفيذ الضبط والإحضار عليه. س: لو فيه أمر بالتفتيش لبيت من حقهم يفتشوا الناس

اللي في البيت؟ ج: مش من حقهم يفتشوا كل الموجودين في البيت لكن من حقهم يأمرهم بعدم التحرك، لكن إذا قامت وقت تفتيش بيت المتهم دلائل قوية ضد شخص موجود في بيت المتهم اللي بيفتش إنه مخبي معاه حاجه أو شيء يفيد في كشف الحقيقة يقدر وقتها اللي بيفتش إنه يفتشه.»7» س: لو أنا مش في البيت أو في المكتب أو المحل يقدرنا يفتشوه وأنا مش موجود؟ ج: المفروض يفتشوه في حضور حد من أهل بيتك أو من اللي شغالين عندك أو في حضور 2 شهود من قرابيك أو جيرائك ويثبتوا ده في محضر، وممكن يفتشوه في غير وجودك أو وجود أي حد من الناس. س: لو كان في البيت اللي بيفتش مكاتب أو أطرف مختومة ومقفولة من حقهم فتحها وتفتيشها؟ ج: لو كان في البيت اللي بيفتش أوراق مختومة ومقفولة بأي طريقة مش من حقهم فتحها وتفتيشها. س: من حق اللي بيفتش إنه يقطع المراتب والمخدات عشان يفتش جواها؟ ج: لو كان اللي جاي بيدور علي حاجات مينفعش بالعقل إنها تكون في المراتب والمخدات زي إنه يكون جاي يفتش علي مواشي مسرو س: أعمل إيه لو كان في بيتي فلوس أو ذهب وخايف تضيع وقت التفتيش؟ ج: تبلغ الضابط اللي بيفتش إن عندك فلوس وذهب وحاجات غالية وخايف عليها وممكن تسلمها له في إيده قبل التفتيش عشان يسلمها لك تاني بعد التفتيش لو كانت ملهاش علاقة بالشيء اللي مطلوب التفتيش عنه. س: أعمل إيه لو اكتشفت بعد التفتيش إن فيه حاجات غالية اختفت من البيت؟ ج: تنزل تقابل مأمور القسم وتحكي له عن الموضوع وتصمم تعمل محضر في القسم بالحاجات اللي اختفت وتعمل شكوي لمفتش الداخلية فوراً. س: هل من حق اللي بيفتش يكسر العفش وهو بيفتش البيت؟ ج: مش من حق حد يكسر أي عفش في البيت، ولو كسروا أي حاجة في بيتك بيقوا ارتكبوا جريمة إتلاف، ومن حقك تعمل لهم محضر إتلاف وتطلب النجدة تعالين الحاجات اللي أتلفوها بدون سبب. س: هل من حق اللي بيفتش يخدني ع القسم لو فتش وملقاش أي حاجة ممنوعة؟ ج: مش من حقه يخذك القسم طالما ملقاش عندك أي ممنوعات أو أي حاجة تعتبر جريمة.

الحالات اللي مكن يعملوا معاك فيها «تفتيش ذاتي» اقرأها كويس جداً!

س: إزاي بيتم التفتيش الذاتي وبيفتشوا إيه بالضبط؟ ج: بيقوموا بتفتيش جسم المتهم وهدومه والحاجات اللي شايلها معاه والشئ اللي شايلها والحاجات اللي بيستعملها، زي عربيته الخاصة ومحله أو مكتبه الخاص. س: أعمل إيه لو كنت ماشي في الشارع ومخير من المباحث أو مندوب شرطة أو عسكري قاللي إنت مشتبه فيك وعاوز أفتشك أو قاللي طلع اللي في جيوبك؟ ج: المخبر أو المندوب أو العسكري من حقه إنه يطلب بطاقتك «تحقيق شخصيتك» فقط لو كنت حطيت نفسك بمزاجك في موقف شك وريبة، لكن لو طلب يفتشك أو س: أعمل إيه لو كنت ماشي بالليل وكان فيه لجنة وفيها ضابط وقفني وطلب بطاقتي وحاول يفتشني بنفسه أو حد من القوة اللي معاه، أو قاللي طلع اللي في جيوبك؟ ج: من حقهم يشوفوا بطاقتك فقط، وأرفض إن حد يفتشك، وكلمهم بكل حسم ورجولة وثقة، وعرفهم إنك عارف حقوقك كويس، ومش من حق حد يفتشك بدون إذن من النيابة أو المحكمة أو من غير سبب طالما مفيش عليك حكم ولا طالعك إذن تفتيش ولا ممسوك متلبس بجريمة. س: تعمل إيه الشرطة لو المتهم بلع حاجة ممنوعة «مخدرات مثلاً»؟ ج: لازم تعرضه علي طبيب مختص وهو اللي يثبت إذا كان مخبي حاجة جوه جسمه ولا لا، بعد ما يعملوا له غسيل معدة في مستشفى حكومي. س: تعمل إيه الشرطة لو كان المتهم مخبي ممنوعات في مكان حساس من جسمه؟ ج: لازم الشرطة تعرضه علي طبيب شرعي س: أعمل إيه لو كان طالع لي إذن تفتيش وطلبوا مني ألق هدومي الداخلية؟ ج: ترفض لأن مش من حق الشرطة تقلعك هدومك لأن ده يعتبر هتك لعرضك، ولازم تثبته وتعمل بيه محضر، وحاول يكون معاك شهود علي اللي حصلك. لو اللي هايفتش واحدة ست إيه اللي يبعدها عن هتك العرض والتحرش؟ مش شرط اللي تفتش الأثني تكون ضابطة شرطة.. ممكن دكتوراة أو ممرضة يمكن تفتيش الأثني أمام الضابط لكن بدون خلع الهدوم لو

كانت اللي هتفتش أنثي يبقي لازم اللي تفتشها أنثي زيها يندبها الظابط أو النيابة أو المحكمة اللي بتجري التفتيش، لكن لو كان التفتيش ه س: أعمل إيه لو حد من الشرطة حاول يفتش مراتي أو بنتي أو أختي أو أمي تفتش ذاتي أو حاول يقلعها هدمها علشان يفتشها؟ ج: ترفض بشدة لأن ده شرفك ولازم تحافظ عليه، والظابط أو الأمين أو أي راجل من الشرطة لو مد إيد س: لازم اللي تفتش الأنثي تكون ظابطة شرطة؟ ج: مش شرط تكون ظابطة شرطة، وممكن تكون دكتورة أو ممرضة من مستشفى أو من السيدات اللي شغالين في القسم أو أي أنثي يندبها الظابط للتفتيش. س: ممكن الظابط يندب دكتور راجل من المستشفى علشان يفتش أنثي؟ ج: يكون إجراء باطلاً لأنه لازم اللي يفتش الأنثي تكون أنثي زيها مش راجل مهما كان الوضع. س: هل من حق الظابط يفتش شنطتها بنفسه؟ ج: من حق الظابط يفتش شنطتها ويفتحها لو كان معاه أمر بالتفتيش أو كانت متلبسة بجناية أو بجنحة عقوبتها أكثر من 3 شهور حبس، ولو لقي فيها أي ممنوعات أو أي حاجة حيازتها تعتبر جريمة يعملها قضية ويكون إجراؤه سليماً. س: ولو كانت الأنثي ماسكة حاجة في إيدها من حقه يأمرها إنها تفتح إيدها ويظبط اللي جواها؟ ج: من حق الظابط يأمرها بفتح إيدها، ومن حقه يفتح إيدها بالقوة بنفسه لو رفضت تفتح إيدها بمزاجها، ولو لقي فيها أي ممنوعات يعمل لها قضية لكن مش من حقه يفتشها تفتش ذاتي أو يقلعها هدمها. س: هل ممكن يتم تفتيش الأنثي أمام الظابط؟ ج: ممكن يكون شايفها وهي بتفتش ذاتي لكن بدون ما تقلع هدمها أو ينكشف مكان من أماكن عورتها. س: أعمل إيه لو طلبت الأنثي اللي بتفتش مراتي أو بنتي إنهم يخلعوا هدمهم وهي بتفتشهم قدام الظابط؟ ج: ترفض تماماً، لأن دي تبقي جريمة هتك عرض لأن كشف جسم المرأة قدام الظابط س: أعمل إيه لو الظابط أو الأمين فتش مراتي غصب عني وعنهما بالعافية في أماكن حساسة من جسمها تمس الشرف والحياة؟ ج: لازم تعمله محضر هتك عرض ويكون معاك شهود ويتحسب الظابط أو الأمين بتهمة هتك عرض أنثي علاوة علي إن أي حاجة هيلاقبها ملهاش أي قيمة لأن الإجراء اللي قام بيه بتفتيشه لأنثي باطل من أساسه وأي دليل ناتج من إجراء باطل يكون باطلاً. س: تعمل إيه الشرطة لو كانت الأنثي مخبية أي ممنوعات جوه جسمها في مكان حساس؟ ج: مش من حق أي حد من الشرطة يخرج ممنوعات من جوه جسمها أو يلمس جسمها من أساسه لكن من حقهم يرسلوها لطبيب في أي مستشفى حكومي ويقوم الدكتور بإخراج الممنوعات بنفسه بصفته خبيراً.

القبض علي الناس بدون وجه حق تعرف حدود الشرطة إيه؟

القبض علي الناس بدون وجه حق تعرف حدود الشرطة إيه؟ الشرطة ليها حدود عشان تحبس حد أو تحجزه، ولو حد منها حبس مواطن بدون أمر من القاضي أو من النيابة العامة أو مكنش في حالة من حالات التلبس يبقي ارتكب جريمة وخالف القانون، ويتعاقب عليها بالحبس أو بالغرامة. س: إيه عقوبة اللي يقبض علي حد ويحجزه بدون وجه حق؟ ج: يتحبس أو يدفع غرامة لا تزيد علي 200 جنيه. س: هل معقول تكون عقوبة القبض علي الناس وتفتيشهم وحجزهم بدون وجه حق مجرد غرامة أقل من 200 جنيه "يابلاش"؟ ج: هو ده القانون لكن لو تم أي تعذيب بدني للمتهم أو تم تهديده بالقتل علشان يعترف بأي شئ تبقي العقوبة السجن المشدد، لكن لو مات الشخص المقبوض عليه من التعذيب يبقي اللي موته يتعاقب بعقوبة القتل العمد س: لو اللي قبض عليّ طلع عامل ظابط أو لابس ملابس الشرطة؟ ج: تعمل له محضر علي طول في القسم أو المركز اللي حصلك فيها الموضوع ده لأنه بيكون ارتكب جناية في حقك ويتسجن. س: ولو كان خد مني فلوس علشان يسبيني؟ ج: خد منك فلوس أو مخدش، القبض علي الناس بانتحال صفة الشرطة جناية عقوبتها السجن المشدد، وأكد هيكون

عيل من العيال الحرامية اللي س: يعني إيه استعمال قسوة؟ ج: استعمال القسوة استخدام عنف غير ميرر بدون داعي علشان يؤلم الناس في شرفهم أو جسمهم مهما قلت درجته. س: إيه عقوبة استعمال القسوة؟ ج: كل موظف أو مستخدم عمومي أمر بتعذيب متهم أو فعل ذلك بنفسه لحمله علي الاعتراف يعاقب بالسجن المشدد أو السجن من ثلاث سنوات إلي عشر. وإذا مات المجني عليه يحاكم بالعقوبة المقررة للقتل عمداً. س: حتي لو كان معذبش بنفسه؟ ج: كل موظف أو مستخدم عمومي أمر بتعذيب متهم أو فعل ذلك بنفسه لحمله علي الاعتراف يعاقب بالسجن المشدد أو السجن من ثلاث سنوات إلي عشر. وإذا مات المجني عليه يحاكم بالعقوبة المقررة للقتل عمداً.

الكمين لمين؟

الكمين لمين؟ س: يعني إيه كمين؟ ج: المفروض إن مفيش حاجة اسمها كمين للناس، لأن الكمين بيكون للأعداء وإحنا لسنا أعداء للشرطة، لكن اللي بنشوفه باللليل اسمه لجنة لحفظ الأمن والنظام في الشارع واللي سماه كمين هم الحرامية وميصحش أبدا إن حد يقول إن الشرطة عاملة كمين للناس. س: إيه فائدة اللجان اللي بتكون في الشوارع باللليل في كل حطة؟ ج: اللجان بتكون متكونة من ظابط القسم، وضايط مرور، وضايط مباحث ومعاهم بوكس وأمناء شرطة وعساكر لحفظ الأمن والنظام في الشارع، لضبط المتهمين الهاربين من الأحكام وأي حاجة تمس الأمن العام وضبط المخالفات المرورية. س: علي أي أساس بيوقفوا الناس ويسيبوا ناس تانية بدون توقيفهم أو حتي سؤالهم؟ ج: ظابط المباحث اللي في اللجنة بيكون عارف كتير من المجرمين والمسجلين في دايرة قسمه، وبيكون باين س: هل من حق الضابط يقبض علي شخص لمجرد عدم وجود رخصة قيادة معاه؟ ج: عدم حمل رخصة القيادة لا تبيح للضايط القبض أو التفتيش لكن من حقه يسحب رخصة التسيير فقط بشرط تكون السيارة باسم قائدها ومعاه تحقيق شخصيته، ويقوم الضابط بإعطائه إيصال سحب لمدة أسبوع. س: ولو كان مع الشخص رخصة قيادة لكن بدون رخصة تسيير للسيارة؟ ج: من حقهم يسألوا عن رخص التسيير، ولو كانت السيارة بدون رخصة تسيير س: هل من حقهم يطلبوا البطايق الشخصية؟ ج: من حقهم يطلبوا بطايق الناس عشان يتأكدوا من شخصياتهم ولو شكوا في حد ممكن يوقفه علي جنب بدون ما يركبه البوكس أو يفتشه ويستعلموا عنه من القسم باللاسلكي اللي معاهم إذا كان مطلوب أو عليه أحكام ولا لأ. س: ومين اللي من حقه يطلب البطايق أو الرخصة؟ ج: الضابط أو أمين الشرطة والمخبر والعسكري من حقهم يطلبوا الرخصة فقط لتوصيلها للضايط، لكن اللي من حقه يسحب التراخيص لازم يكون ظابط المرور بنفسه ويعطيك وصل بالسحب لكن مش من حق الضابط أو غيره إنه يسحب الرخص بدون وصل سحب تراخيص. س: هل من حق اللجان توقيف السيدات والبنات من قاندي السيارات؟ ج: من حقهم توقيف أي سيدة أو فتاة في اللجنة وسؤالها عن التراخيص مثل الرجال، ولو كانت أي واحدة بدون رخصة من حقهم سحب الرخصة الثانية وإعطاءها وصل بسحب الرخصة. س: هل من حق اللجنة سؤالها عن سيدة أو بنت جالسة جنبي في سيارتي وسؤالها عن بطاقتها؟ ج: من حقه سؤالها فقط عن بطاقتها للتعرف علي شخصيتها وممكن يستعلم عنها بالجهاز من القسم لو شك إنها مطلوبة في حكم أو عليها أمر ضبط وإحضار لأن زي ما فيه مجرمين ومتهمين من الرجال فيه أيضا متهمين ومجرمين من النساء وبيكون عليهم أحكام واجبة التنفيذ عليهم. س: أعمل إيه لو الضابط سألني مين اللي معاك؟ ج: قوله بكل بساطة زوجتي أو خطيبتي أو صديقتي ومن حقي الخروج مع صديقتي في أي وقت. س: هل من حقه ينزلها من سيارتي ويخدها علي جنب بعيد عني ويسألها عن أي حاجة أو يفتشها؟ ج: مش من حقه ينزلها مطلقا من السيارة طالما غير مطلوبة في شئ أو معروفة لديه من قبل أو مسجلة، وميقدرش أي ظابط مهما كانت رتبته يفتش أنثي تفتيش ذاتي حتي لو كانت متهمة في مليون ق س: ليه بنشوف بعض اللجان بنتزل

البنات من التاكسيات ويخدوهم ع القسم وخصوصا في شارع الهرم وجامعة الدول؟ ج: فيه بنات كتير بيكونوا مسجلات آداب ودعارة و عليهم أحكام وبيكونوا معروفين للضباط س: أعمل إيه لو الضابط طلب مني أنزل من السيارة علشان يفتشها أو طلب مني أفتح الشنطة؟ ج: مفيش حاجة اسمها تنزل من سيارتك علشان يفتشها إلا لو كان معاه أمر من النيابة أو المحكمة بتفتيشك أو كنت في حالة تلبس بجريمة أو كانت ريحة السيارة تدل أن حد كان بيشرب فيها مخدرات مثلا، وترفض تفتح شنطة عربيتك وتقول للضابط "أفتح شنطتي ليه مادام رخصي سليمة وسيادتك شايف إني مش محل شك والعربية ملكي وفتح الشنطة ده اسمه تفتيش وده محتاج إذن من النيابة، وأنا مش ممسوك لا في حالة تلبس ولا أنا حرامي وأنا عارف إنك راجل قانون و عارف الإجراءات كويس و عارف إنك مش ممكن تخالف القانون. س: ليه الضباط ساعات بينزلوا الشباب اللي راكبين في العربيات ويطلبوا منهم يقولوا "حاحا"؟ ج: علشان يعرفوا لو كان اللي سابق شارب أي كحوليات أو لا، علشان بيكون ريحة فمه واضحة لما يقول "حاحا" وبيان إذا كان شارب كحوليات ولا لا. س: ليه الضباط بيكونوا واقفين بعيد مع بعض وبيبعثوا الأمانا والعساكر تسحب التراخيص؟ ج: مش من حق الأمين أو المخبر أو العسكري يسحب رخصك، والأفضل تركز العربية وتنزل للضابط بكل ذوق وتوريه الرخص وتقوله أنا عارف إن سيادتك فقط اللي من حقه يشوف رخص العربيات مش الأمين أو العسكري. س: ولو أخذني علي القسم أو ركني جنبه في الكمين؟ ج: لازم تتصل بحد من أهلك أو محاميك وتصمم تعمل له محضر في القسم بالواقعة اللي حصلت معاك وإنك اتقبض عليك في اللجنة بدون وجه حق وتصمم علي اتخاذ إجراء مع الضابط ومتنازلش عن حقه. س: من حق الضابط يركني جنبه في الكمين وقت قد إيه علشان يستعلم عني من القسم؟ ج: وقت بسيط ميزدش عن نصف ساعة فقط، لأن مصالح ووقت الناس ليهم تمن ومش لعبة. س: لو كنا راكبين ميكروباص وفي الكمين نزلوا الناس اللي فيه عشان يفتشوهم؟ ج: متوقفش إن حد يفتشك وترفضوا أي تفتيش، لكن من حقهم يشوفوا البطاقات فقط ويتحروا عن اللي شاكين إن عليهم أحكام أو مطلوبين في قضايا. س: ليه بنشوف الأمانا والضباط بيكشفوا كتف بعض الناس في اللجان؟ ج: بيكشفوا كتف اللي بيشتبهوا فيه علشان يعرفوا إذا كان سوابق ومسجل ومختوم علي كتفه إنه مسجل خطر ولا لا. س: يعني إيه مسجل خطر؟ ج: يعني شخص معتاد الإجرام واتمسك في قضايا سرقة أو بطجعة وفرض إتاوات أو بيشتغل في تجارة المخدرات أو الدعارة أو فرد في عصابة. س: ولية المسجل خطر بيكون الشرطة ختماه علي كتفه؟ ج: من فترة طويلة كانت الشرطة بتختم المسجلين خطر علي كتفهم علشان تعرفهم، والمسجلين أنفسهم وأصحاب السوابق اللي متعودين علي الحبس والسجن بيدقوا وشم علي جسمهم وهم موجودين في السجون.

تعمل إيه لو جالك بوليس البيت وقالك البية المعاون عاوزك في القسم؟

س: أعمل إيه لو حد من الشرطة جالي البيت وقاللي البية المعاون عايزك في القسم؟ ج: مفش حاجة اسمها البية المعاون ف القسم، لازم يدك ورقة مكتوب فيها طلب حضور أو طلب استدعاء للقسم. س: يعني إيه طلب حضور للقسم؟ ج: طلب الحضور للقسم هو طلب من ضابط في القسم عشان تروح القسم يسألوك في محضر حد شاكيك فيه، أو لسؤالك عن معلوماتك في جريمة حصلت. س: إيه شكل ورقة طلب الحضور للقسم؟ ج: هي ورقة طالعة من القسم مطبوعة علي نموذج ويمكن تكون مكتوبة بخط اليد لمقابلة ضابط في القسم أو في المركز أو في النقطة بخصوص الرد علي محضر أو شكوي أو بلاغ. س: طلب الحضور للقسم بيكون مختوم ولا لا؟ ج: طلب الحضور دائما بيكون بدون ختم. س: لازم أروح للقسم مع الشخص اللي جاب لي طلب الحضور؟ ج: إنت حر تروح أو متروحش في طلب الحضور للقسم، لكن حاول تعرف إنت مطلوب في إيه قبل متروح للقسم في طلب الحضور. س: أعمل

إيه لو اللي جابلي طلب الحضور طلب مني بطاقتي يخذها معاه عشان يضمن إني أروح القسم؟  
 ج: مفيش حد من حقه يسحب بطاقتك أو يخذها ضماناً عشان تروح القسم وارفض تدليه  
 بطاقتك. س: لو مروحتش في طلب الحضور، ممكن يخذوني ع القسم بالعافية؟ ج: ميقدرش  
 حد يخذك في طلب الحضور للقسم بالعافية أو يقبض عليك بالقوة. س: إيه المسئولية لو  
 مروحتش القسم في طلب الحضور؟ ج: مفيش مسئولية عليك لو مروحتش القسم في طلب  
 الحضور، لكنهم هيبعتوا المحضر للنيابة، ولو النيابة شايفة إنه لازم حضورك هتبعثك طلب  
 حضور للنيابة. س: أعمل إيه لو جالي طلب حضور م القسم واللي جايه كان مصمم يخذني  
 معاه؟ ج: من حقه متروحش معاه في نفس الوقت، لأنك حر تروح أو متروحش، وممكن تستلم  
 الطلب من الشخص اللي جايب لك طلب الحضور للقسم، والأفضل إنك تبعث الأول محامي يكون  
 معاه توكيل منك يعرف إيه الحكاية قبل متروح القسم في طلب الحضور. س: وليه أبعث  
 محامي؟ ج: عشان يعرف إنت مطلوب في إيه قبل م تروح القسم، لأنك لو رحت بنفسك القسم  
 الصبح بدري في طلب الحضور وكان فيه حد شاكيك في محضر هيخدوا أقوالك في المحضر  
 ويبعتوك علي النيابة، لكن لو رحت القسم بالليل ممكن بيبتوك ليلة في الحجز ويبعتوك ع  
 النيابة تاتي يوم. س: المفروض أعمل إيه في الحالة دي؟ ج: تبعث محامي معاه توكيل عنك  
 يعرف إيه الموضوع ويرد بدل عنك في المحاضر. س: لازم يكون مع المحامي توكيل مني  
 عشان يرد عني في المحاضر؟ ج: لازم يكون للمحامي توكيل قضايا عنك عشان يقدر يعرف  
 إيه الموضوع ويقدر يرد علي المحضر، لأنهم في القسم مش هيعرفوه أي حاجة عن المحضر  
 لو مفيش معاه توكيل. س: إيه هو توكيل المحامي وبيطلع منين؟ ج: توكيل المحامي بيكون  
 توكيل في القضايا فقط، وبيطلع من أي شهر عقاري خلال ساعة. س: لو حد معاه توكيل عام  
 عني يقدر يحضر للقسم ويرد علي المحاضر بدلاً مني؟ ج: ممكن حد غلب، لازم يكون محامي  
 ومعاه توكيل عنك في القضايا فقط. س: من حقي يحضر معايا المحامي في القسم؟ ج: يجوز  
 لمحاميك إنه يحضر طلب الحضور للنيابة سواء كنت متهم أو شاهد. شكله إيه؟ في طلب  
 الحضور للقسم أنت حر تروح أو ما تروحش بس مهم تعرف إنت مطلوب في إيه وبرضه أنت  
 حر في طلب الحضور للنيابة لكن لو مارحتش تقدم عذر مقبول. س: أعمل إيه لو جالي طلب  
 حضور من النيابة؟ ج: المفروض تروح للنيابة لو مفيش عندك عذر مقبول تقبله النيابة العامة  
 أو ممكن تبعث محامي معاه توكيل عنك عشان يعرف إيه الموضوع ويرد علي المحاضر بذلك.  
 س: الشخص اللي بيوجب طلب الحضور للنيابة ممكن ياخذني ع النيابة بالعافية؟ ج: مش من  
 حق حد يخذك بالعافية أو بالقوة في طلب حضور للنيابة. س: هو بيسلمني صورة من طلب  
 الحضور للنيابة؟ ج: لازم يسلمك صورة من طلب الحضور للنيابة ويكون متحدد فيه ميعاد  
 ومكان الحضور وبتقابل مين من أعضاء النيابة. س: إيه الفرق بين طلب الحضور للقسم  
 وطلب الحضور للنيابة وأمر الضبط والإحضار والإعلان من المحكمة بالحضور لجلسة؟ ج:  
 طلب الحضور للقسم إنت حر تروح أو متروحش بس المفروض تعرف إنت مطلوب في إيه قبل  
 ما تروح لأن لو مروحتش هيبعتوا المحضر من القسم للنيابة، أما طلب الحضور للنيابة إنت حر  
 تروح أو لا

تفتيش عربيتك له قواعد وأصول إوعي الشنطة!

س: أعمل إيه لو كنت ماشي بعربيتي والشرطة وقفتني وطلبت أفتح شنطة عربيتي؟ ج: مش  
 من حق الشرطة تفتش شنطة عربيتك بدون إذن تفتيش وأرفض تفتح شنطة عربيتك لأي حد  
 مفيش معاه إذن تفتيش ليك أو لسيارتك. س: من حق الشرطة تفتيش صالون سيارتي الخاصة؟  
 ج: مش من حق الشرطة تفتيش السيارات الخاصة بغير إذن من النيابة العامة أو من المحكمة  
 أو في غير أحوال التلبس بجريمة أو بدون رضا أصحابها، أو حتي فتح أبواب السيارة. س: لو  
 كنت راكب داخل عربيتي من حقهم يفتشوها؟ ج: مش من حقهم. س: لو كنت راكب قطر أو

أتوبيس من حق حد يفتشني أو يفتش شنطتي؟ ج: من حق الشرطة يفتشوا القطر أو الأتوبيس بس مش من حق حد يفتشك أو يفتش شنطتك إلا بإذن من النيابة طالما كانت شنطتك معاك، لكن لو الشنطة جانبك وسألك دي شنطتك وقلت له إنها مش شنطتك يبقى من حق الظابط أو الأمين يفتشها علي أساس أنها ملهاش صاحب. س: ليه الشرطة بينزلوا الناس من الأتوبيسات ويفتشوهم ويفتشوا شنطهم وهم مسافرين الغردقة أو شرم الشيخ مثلا؟ ج: ده إجراء مش قانوني وفيه تجاوز شديد واعتداء علي حرية الناس وحرمااتهم، ولازم ترفض التفتيش إلا بإذن من النيابة أو إذا كان فيه حالة تلبس أو كنت موافق علي التفتيش بمزاجك. س: لو عربيتي مقفولة وراكنها تحت البيت هل من حق حد يفتشها؟ ج: مش من حق حد يفتشها إلا بإذن من القاضي أو من النيابة. س: ولو عربيتي كانت في جراج جوه بيتي؟ ج: في الحالة دي لازم تفرق بين جراج تحت عمارة ممكن أي حد يدخله يبقى من حقهم يفتشوها، لكن لو كانت في جراج جوه بيتك يبقى لازم أمر تفتيش للبيت لأن الجراج الملحق للبيت يعتبر له نفس حرمة وشروط تفتيش البيوت. س: معقول حد في القسم هيوافق يعمل محضر هتك عرض ضد ظابط مباحث شغال فيه؟ ج: لازم تتمسك بحقك، ولو رفضوا يعملوك محضر تطلع علي المديرية وتقابل مفتش الداخلية وتروح تعمل له محضر في النيابة.

### حد يفتشك او يفتش بيتك

الحرية الشخصية للناس حق طبيعي مصان لا يُمس، ولا يتم القبض ولا تفتيش ولا حبس ولا تقييد حرية الناس ومنعهم من التنقل من مكان لمكان إلا بأمر من القاضي المختص أو من النيابة العامة ماعدا في حالات التلبس. س: يعني إيه تفتيش؟ ج: التفتيش إجراء من إجراءات التحقيق اللي س: أعمل إيه لو حد قاللي إن معاه إذن بتفتيشي؟ ج: لازم تمسك أعصابك ومترعبش وتتمالك نفسك لمدة خمس دقائق فقط، وتتاكد الأول من شخصيته، وتطلب تشوف إذن التفتيش اللي معاه ولازم تتأكد من حاجات أساسية جدا في الإذن. س: هوه الظابط هيرضي يوريني الإذن؟ ج: من حقك تشوف كارنيه اللي بيفتشك والإذن اللي معاه ولازم تقراه كويس جدا، وده حقك ولازم تتمسك بيه، ومتخلش حد يفتشك إلا بعد ما تشوف الإذن وتتاكد إنه سليم وساري المفعول، وميكونش الإذن باطل أو منتهي المدة. س: من حق الشرطة تفتيش المقبوض عليه؟ ج: في كل الأحوال اللي يجوز فيها القبض علي المتهم يجوز فيها تفتيشه، لكن لو كان المقبوض عليه أنثي لاجوز تفتيشها إلا بمعرفة أنثي زيها. س: والشرطة بتكلش اللي بيتفتش؟ ج: من حق الشرطة تسيطر علي الشخص اللي بيتفتش وتحد من حركته وحرية بالقدر اللازم فقط علشان تقدر تقوم بالتفتيش وميعطلش إجراءات التفتيش أو يرمي حاجة أو يهرب أو يعتدي علي حد من الشرطة أو الناس الموجودين في المكان. س: هل بيكون منصوص في إذن التفتيش علي القبض؟ ج: مش شرط يكون إذن التفتيش فيه أمر صريح بالقبض علي المتهم المأذون بتفتيشه. س: وإيه الحاجات اللي لازم أتأكد منها في إذن التفتيش؟ ج: لازم تتأكد من حاجات أساسية في إذن التفتيش وهي: < لازم يكون الإذن مكتوب مش شفوي ويكون مبني علي تحريات جديفة. < الإذن يكون عن جناية أو جنحة حصلت بالفعل مش لسه هتحصل في المستقبل، ويكون فيه دلائل كافية علي إن المتهم المأذون بتفتيشه هو اللي ارتكبها. < يكون الإذن صادر من النيابة المختصة أو من قاضي التحقيق المختص ويكون الإذن في دايرة اختصاصها. < يكون اللي بينفذ التفتيش معاه سلطة الضبطية وفي دايرة اختصاصه مش خارجها. < لو كان الإذن طالع لتفتيش بيت لازم يكون الإذن مكتوب فيه سبب التفتيش، وطبيعة الجريمة اللي بيتفتش البيت بسببها. < لازم وفي أغلب الأحوال يكون الإذن مكتوب مش شفوي ومتقبلش إنه يقولك إن الإذن نسيه في القسم أو هتشوفه بعد ما يفتشك. < لازم يكون الإذن موقع بخط يد مصدره، وواضح فيه اسمه ووظيفته ولو كان الإذن مش موقع يبقى باطل وكأنه غير موجود من أساسه. < لازم يكون الإذن واضح وصريح إنه إذن تفتيش

مش مجرد سؤال متهم أو استيفاء لمحضر. < لازم يكون محدد في الإذن الاسم الحقيقي أو اسم الشهرة للشخص المطلوب تفتيشه أو للأشخاص والأماكن المأذون بتفتيشها، ومبين فيه نوع الجريمة المطلوب التفتيش لكشفها. > لازم يكون واضح في الإذن إيه اللي مطلوب تفتيشه بالضبط يعني مكتوب فيه لو كان مطلوب تفتيش المتهم فقط أو تفتيش المتهم وعريبته، أو المتهم ومكتبه، أو ا < لازم تشوف وقت صدور إذن التفتيش والمدة المذكورة فيه، ولازم تكون مدة الإذن محددة مش مفتوحة علي طول، ولو كان مش مذكور وقت ويوم صدور الإذن يبقى باطل. > ميكونش حد نفذ نفس الإذن عليك قبل كده، لأن إذن التفتيش ميصالحش للتفتيش غير لمرة واحدة فقط. س: مين اللي من حقه يقوم بالتفتيش؟ ج: من حق النيابة وقاضي التحقيق والظباط والأمناء والصولات وشيوخ الخفر، يعني من حق الشرطة اللي ليهم سلطة الضبطية فقط، لكن دايمًا اللي بيفتشوا بيكونوا من ظباط المباحث. س: هل بيكون مكتوب في الإذن اسم الظابط اللي بيفتش؟ ج: مش لازم يكون مكتوب في الإذن اسم الظابط اللي بيفتش، ومن حق الظابط يستعين بزمايله لمساعدته في التفتيش حتي لو كان ملهمش سلطة ضبطية، لكن لو كان الإذن طالع باسم ظابط محدد بالاسم، فلا يجوز ليه ندب غيره لتنفيذ التفتيش مادام الإذن مش عاطيه الحق في ندب غيره. س: اللي بيقوموا بتنفيذ إذن التفتيش من الشرطة بيكونوا لابسين ميرري ولا ملكي؟ ج: ممكن يكونوا لابسين ميرري وممكن يكونوا لابسين ملكي، وممكن يكون بعضهم لابس ملكي ومعاهم ناس لابسين ميرري، ومتفرقش ميرري ولا ملكي، المهم تتأكد من شخصيتهم ويكونو شرطة ومعاهم إذن تفتيش سليم مش نصابين وعاملين عليك ظباط وعاوزين يقشطوك ويقلبوك. س: هل من حق العساكر والمخبرين ومنايب الشرطة تفتيش الناس؟ ج: العساكر والمخبرين ومنايب الشرطة مش من حقهم التفتيش علشان ملهمش سلطة الضبطية. س: ولو كان اللي بيفتش البيت مندوب أو عسكري لكن معاهم ظباط وكانوا هما اللي بيفتشوا مش الظابط؟ ج: الظابط من حقه يستعين بالناس اللي شغالين معاه في التفتيش بشرط يتم التفتيش تحت رقابته وإشرافه، لكن لو تم التفتيش في غير حضور الظابط وبدون إشرافه يكون التفتيش باطل لأن مش من حق المنايب وعساكر الشرطة التفتيش لوحدهم. س: هل ممكن وكيل النيابة يقوم بالتفتيش بنفسه؟ ج: من حق وكيل النيابة يفتش بنفسه، لكن جرت العادة إن النيابة والمحكمة بيندبو ظباط المباحث للتفتيش، ولو نزلت النيابة تفتش بنفسها بيكون معاهم قوة من الشرطة علشان تأمن المأمورية وتأمين المكان. س: لو النيابة قامت بالتفتيش هل بيكون مع وكيل النيابة إذن التفتيش؟ ج: ممكن وفي كثير من الأحوال بيكون معاه إذن التفتيش، لكن حتي لو قام وكيل النيابة بالتفتيش س: إيه شكل إذن التفتيش؟ ج: إذن التفتيش بيكون مكتوب بخط اليد وموقع من وكيل النيابة أو من قاضي التحقيق وبيكون مختوم بختم النيابة وأحيانًا بيكون بدون ختم، والقانون محدش له شكل معين. س: وفيين بيتم تنفيذ الإذن بالتفتيش؟ ج: بيتم تنفيذ إذن التفتيش في أي مكان، المهم يكون في دايرة اختصاص النيابة أو المحكمة اللي مطلعاه ودايرة اختصاص اللي بينفذه. س: أعمل إيه لو الإذن بالتفتيش كانت مدته منتهية؟ ج: من حقه ترفض التفتيش علشان لايجوز التفتيش بإذن تفتيش منتهي المدة، وأي دليل ينتج عنه ملهوش أي قيمة لو كان الإذن انتهى ومتجددش لمدة ثانية من النيابة أو المحكمة. س: هل ممكن إذن التفتيش يتجدد لمدة ثانية؟ ج: إذن التفتيش ممكن يتجدد من النيابة أو المحكمة لمدة ثانية، ولو تم تجديده يجوز التفتيش بيه. س: إزاي بتتسبب مدة الإذن بالتفتيش؟ ج: يوم صدور الإذن غير محسوب من المدة، وبتتسبب مدة الإذن ابتداء من اليوم التالي لصدوره. س: هل ممكن أفتش بإذن تفتيش واحد أكثر من مرة؟ ج: الإذن بالتفتيش زي عود الكبريت ميصالحش للتفتيش غير لمرة واحد فقط. س: إزاي بيتم تنفيذ إذن التفتيش؟ ج: القانون محدش طريقة معينة لتنفيذ إذن التفتيش، وترك طريقة التفتيش لتقدير المكلف بالتفتيش، وأعطى له الحق إنه يستعين برجالته ومعاونيه في عملية التفتيش بحيث يكونو علي مرأى منه وتحت إشرافه. س: لازم اللي بيفتش يدخل من الباب ولا ممكن يدخل من أي مكان؟ ج: من حق اللي بيفتش يدخل من أي مكان وممكن يدخل

من الشباك أو من السطوح أو من البلكونة. س: من حق اللي بيفتش يستخدم القوة في التفتيش؟ ج: من حق اللي بيفتش يستخدم القوة بالقدر المناسب علشان يسيطر علي المكان، ويقيد حرية الشخص اللي بيفتشه من غير ما يعرض حياته أو سلامته للخطر. س: من حق الظابط اللي بيفتش يخرج أي ممنوعات من أماكن عورة المتهم؟ ج: يبقى ارتكب جريمة هتك عرض سواء كان المتهم اللي بيفتش راجل أو أنثي. س: هل ضروري يكون الشخص اللي بيتفتش بيته موجود وقت تنفيذ التفتيش؟ ج: لا مش لازم يكون الشخص المتهم المأذون بتفتيشه موجود وقت إجراء التفتيش. س: لازم يكون إذن النيابة مع الظابط اللي بيفتش؟ ج: في بعض الأحوال النادرة ممكن التفتيش بدون ما يكون مع الظابط اللي بيفتش الإذن في يده وقت التفتيش لكن ده بيكون في أضيق نطاق ممكن، ولازم يكون الإذن مكتوب وله أصل في أوراق القضية اللي بيتحقق فيها.

### حد يفتشك او يفتش بيتك

الحرية الشخصية للناس حق طبيعي مصان لا يُمس، ولا يتم القبض ولا تفتيش ولا حبس ولا تقييد حرية الناس ومنعهم من التنقل من مكان لمكان إلا بأمر من القاضي المختص أو من النيابة العامة ماعدا في حالات التلبس. س: يعني إيه تفتيش؟ ج: التفتيش إجراء من إجراءات التحقيق اللي س: أعمل إيه لو حد قاللي إن معاه إذن بتفتيشي؟ ج: لازم تمسك أعصابك ومترعبش وتتمالك نفسك لمدة خمس دقائق فقط، وتتأكد الأول من شخصيته، وتطلب تشوف إذن التفتيش اللي معاه ولازم تتأكد من حاجات أساسية جدا في الإذن. س: هو الظابط هيرضي يوريني الإذن؟ ج: من حقك تشوف كارنيه اللي بيفتشك والإذن اللي معاه ولازم تقراه كويس جدا، وده حقك ولازم تتمسك بيه، ومتخلش حد يفتشك إلا بعد ما تشوف الإذن وتتأكد إنه سليم وساري المفعول، وميكونش الإذن باطل أو منتهي المدة. س: من حق الشرطة تفتيش المقبوض عليه؟ ج: في كل الأحوال اللي يجوز فيها القبض علي المتهم يجوز فيها تفتيشه، لكن لو كان المقبوض عليه أنثي لاجوز تفتيشها إلا بمعرفة أنثي زيها. س: والشرطة بتكلش اللي بيفتش؟ ج: من حق الشرطة تسيطر علي الشخص اللي بيفتش وتحد من حركته وحرية بالقدر اللازم فقط علشان تقدر تقوم بالتفتيش وميعطلش إجراءات التفتيش أو يرمي حاجة أو يهرب أو يعتدي علي حد من الشرطة أو الناس الموجودين في المكان. س: هل بيكون منصوص في إذن التفتيش علي القبض؟ ج: مش شرط يكون إذن التفتيش فيه أمر صريح بالقبض علي المتهم المأذون بتفتيشه. س: وإيه الحاجات اللي لازم أتأكد منها في إذن التفتيش؟ ج: لازم تتأكد من حاجات أساسية في إذن التفتيش وهي: < لازم يكون الإذن مكتوب مش شفوي ويكون مبني علي تحريات جدية. < الإذن يكون عن جنائية أو جنحة حصلت بالفعل مش لسه هتحصل في المستقبل، ويكون فيه دلائل كافية علي إن المتهم المأذون بتفتيشه هو اللي ارتكبها. < يكون الإذن صادر من النيابة المختصة أو من قاضي التحقيق المختص ويكون الإذن في دايرة اختصاصها. < يكون اللي بينفذ التفتيش معاه سلطة الضبطية وفي دايرة اختصاصه مش خارجها. < لو كان الإذن طالع لتفتيش بيت لازم يكون الإذن مكتوب فيه سبب التفتيش، وطبيعة الجريمة اللي بيفتش البيت بسببها. < لازم وفي أغلب الأحوال يكون الإذن مكتوب مش شفوي ومتقبلش إنه يقولك إن الإذن نسيه في القسم أو هتشوفه بعد ما يفتشك. < لازم يكون الإذن موقع بخط يد مصدره، وواضح فيه اسمه ووظيفته ولو كان الإذن مش موقع يبقى باطل وكأنه غير موجود من أساسه. < لازم يكون الإذن واضح وصريح إنه إذن تفتيش مش مجرد سؤال متهم أو استيفاء لمحضر. < لازم يكون محدد في الإذن الاسم الحقيقي أو اسم الشهرة للشخص المطلوب تفتيشه أو للأشخاص والأماكن المأذون بتفتيشها، ومبين فيه نوع الجريمة المطلوب التفتيش لكشفها. < لازم يكون واضح في الإذن إيه اللي مطلوب تفتيشه بالظبط يعني مكتوب فيه لو كان مطلوب تفتيش المتهم فقط أو تفتيش المتهم وعربيته،

أو المتهم ومكتبه، أو ا < لازم تشوف وقت صدور إذن التفتيش والمدة المذكورة فيه، ولازم تكون مدة الإذن محددة مش مفتوحة علي طول، ولو كان مش مذكور وقت ويوم صدور الإذن يبقى باطل. < ميكونش حد نفذ نفس الإذن عليك قبل كده، لأن إذن التفتيش ميصالحش للتفتيش غير لمرة واحدة فقط. س: مين اللي من حقه يقوم بالتفتيش؟ ج: من حق النيابة وقاضي التحقيق والظباط والأمناء والصولات وشيوخ الخفر، يعني من حق الشرطة اللي ليهم سلطة الضبطية فقط، لكن دايم اللي بيفتشوا بيكونوا من ظباط المباحث. س: هل بيكون مكتوب في الإذن اسم الظباط اللي بيفتش؟ ج: مش لازم يكون مكتوب في الإذن اسم الظباط اللي بيفتش، ومن حق الظباط يستعين بزمايله لمساعدته في التفتيش حتي لو كان ملهمش سلطة ضبطية، لكن لو كان الإذن طالع باسم ظباط محدد بالاسم، فلا يجوز ليه ندب غيره لتنفيذ التفتيش مادام الإذن مش عاطيه الحق في ندب غيره. س: اللي بيقوموا بتنفيذ إذن التفتيش من الشرطة بيكونوا لابسين ميرري ولا ملكي؟ ج: ممكن يكونوا لابسين ميرري وممكن يكونوا لابسين ملكي، وممكن يكون بعضهم لابس ملكي ومعاهم ناس لابسين ميرري، ومتفرقش ميرري ولا ملكي، المهم تتأكد من شخصيتهم ويكونو شرطة ومعاهم إذن تفتيش سليم مش نصابين وعاملين عليك ظباط وعاوزين يقشطوك ويقلبوك. س: هل من حق العساكر والمخبرين ومنايب الشرطة تفتيش الناس؟ ج: العساكر والمخبرين ومنايب الشرطة مش من حقهم التفتيش علشان ملهمش سلطة الضبطية. س: ولو كان اللي بيفتش البيت مندوب أو عسكري لكن معاه ظباط وكانوا هما اللي بيفتشوا مش الظباط؟ ج: الظباط من حقه يستعين بالناس اللي شغالين معاه في التفتيش بشرط يتم التفتيش تحت رقابته وإشرافه، لكن لو تم التفتيش في غير حضور الظباط وبدون إشرافه يكون التفتيش باطل لأن مش من حق المنايب وعساكر الشرطة التفتيش لوحدهم. س: هل ممكن وكيل النيابة يقوم بالتفتيش بنفسه؟ ج: من حق وكيل النيابة يفتش بنفسه، لكن جرت العادة إن النيابة والمحكمة يندبو ظباط المباحث للتفتيش، ولو نزلت النيابة تفتش بنفسها بيكون معاهم قوة من الشرطة علشان تأمن المأمورية وتأمين المكان. س: لو النيابة قامت بالتفتيش هل بيكون مع وكيل النيابة إذن التفتيش؟ ج: ممكن وفي كثير من الأحوال بيكون معاه إذن التفتيش، لكن حتي لو قام وكيل النيابة بالتفتيش س: إيه شكل إذن التفتيش؟ ج: إذن التفتيش بيكون مكتوب بخط اليد وموقع من وكيل النيابة أو من قاضي التحقيق وبيكون مختوم بختم النيابة وأحياناً بيكون بدون ختم، والقانون محدش له شكل معين. س: وفيين بيتم تنفيذ الإذن بالتفتيش؟ ج: بيتم تنفيذ إذن التفتيش في أي مكان، المهم يكون في دايرة اختصاص النيابة أو المحكمة اللي مطلعاه ودايرة اختصاص اللي بينفذه. س: أعمل إيه لو الإذن بالتفتيش كانت مدته منتهية؟ ج: من حقه ترفض التفتيش علشان لايجوز التفتيش بإذن تفتيش منتهي المدة، وأي دليل ينتج عنه ملهوش أي قيمة لو كان الإذن انتهى ومتجددش لمدة ثانية من النيابة أو المحكمة. س: هل ممكن إذن التفتيش يتجدد لمدة ثانية؟ ج: إذن التفتيش ممكن يتجدد من النيابة أو المحكمة لمدة ثانية، ولو تم تجديده يجوز التفتيش بيه. س: إزاي بتتسبب مدة الإذن بالتفتيش؟ ج: يوم صدور الإذن غير محسوب من المدة، وبتتسبب مدة الإذن ابتداء من اليوم التالي لصدوره. س: هل ممكن أفتش بإذن تفتيش واحد أكثر من مرة؟ ج: الإذن بالتفتيش زي عود الكبريت ميصالحش للتفتيش غير لمرة واحد فقط. س: إزاي بيتم تنفيذ إذن التفتيش؟ ج: القانون محدش طريقة معينة لتنفيذ إذن التفتيش، وترك طريقة التفتيش لتقدير المكلف بالتفتيش، وأعطى له الحق إنه يستعين برجالته ومعاونيه في عملية التفتيش بحيث يكونو علي مرأي منه وتحت إشرافه. س: لازم اللي بيفتش يدخل من الباب ولا ممكن يدخل من أي مكان؟ ج: من حق اللي بيفتش يدخل من أي مكان وممكن يدخل من الشباك أو من السطوح أو من البلكونة. س: من حق اللي بيفتش يستخدم القوة في التفتيش؟ ج: من حق اللي بيفتش يستخدم القوة بالقدر المناسب علشان يسيطر علي المكان، ويقيد حرية الشخص اللي بيفتشه من غير ما يعرض حياته أو سلامته للخطر. س: من حق الظباط اللي بيفتش يخرج أي ممنوعات من أماكن عورة المتهم؟ ج: يبقى ارتكب جريمة هتاك

عرض سواء كان المتهم اللي بيقتش راجل أو أنثي. س: هل ضروري يكون الشخص اللي بيتم تفتيش بيته موجود وقت تنفيذ التفتيش؟ ج: لا مش لازم يكون الشخص المتهم المأذون بتفتيشه موجود وقت إجراء التفتيش. س: لازم يكون إذن النيابة مع الظابط اللي بيقتش؟ ج: في بعض الأحوال النادرة ممكن التفتيش بدون ما يكون مع الظابط اللي بيقتش الإذن في إيدته وقت التفتيش لكن ده بيكون في أضيق نطاق ممكن، ولازم يكون الإذن مكتوب وله أصل في أوراق القضية اللي بيتحقق فيها.

### طلب الحضور للنيابة

س: إيه هو طلب الحضور للنيابة؟ ج: هو طلب شخص للحضور للنيابة في وقت محدد س: إيه الضرر لو جاني طلب حضور للنيابة ومروحتش؟ ج: مفيش مسنولية عليك لكن لو مروحتش ومقدمتش عذر تقبله النيابة، يطع لك أمر ضبط وإحضار وتنفذه عليك الشرطة أو تقبض عليك المباحث، وتوديك للنيابة مقبوض عليك. س: إيه شكل ورقة طلب الحضور للنيابة؟ ج: دي ورقة طالعة من النيابة للحضور لمقر النيابة عضو من أعضاء النيابة لسؤال شخص في محضر أو الإدلاء بالشهادة. س: أعرف إزاي إذا كنت متهم ولا مطلوب للشهادة؟ ج: بيكون مكتوب علي طلب الحضور إذا كنت متهم ولا شاهد.

فيه تفتيش اسمه باطل ومتجاوز للحدود.. تحب تعرفه؟

س: يعني إيه تفتيش باطل؟ ج: يعني تفتيش تم في غير الأحوال اللي صرح بيها القانون، وأي دليل ينتج من تفتيش باطل مالوش أي لازمة لأن مأبني علي إجراء باطل بيكون باطل، والمحكمة بتستبعد من أساسه أي شهادة للظابط اللي بيقوم بإجراء باطل ضد المتهم. س: إيه اللي يبطل التفتيش؟ ج: إن التفتيش يتم بعد تاريخ الإذن بالتفتيش أو يكون وكيل النيابة مش موقع عليه، أو مفيش تاريخ مكتوب عليه، أو لو كان طالع إذن التفتيش باسم ظابط معين يبقي مينفعش غيره يعمله أو يتم التجاوز عن حدود الإذن أو كان فيه تعسف في تنفيذ التفتيش. س: لو الظابط لقي الحاجة اللي حضر علشان يفتش عنها في إذن التفتيش هل من حقه يفتش عن حاجات ممنوعة تانية؟ ج: لو الظابط لقي الحاجات اللي حضر علشان ينفذ الإذن بالتفتيش عليها مش من حقه يفتش عن حاجات تانية، مثلا لو كان الظابط حضر لتنفيذ إذن بالتفتيش عن سلاح أبيض ومسك الخنجر اللي ارتكب بيه المتهم الجريم

مع تحيات

منتديات نور اسلامنا

[www.nourislamna.com](http://www.nourislamna.com)

ومجموعة نور اسلامنا البريدية

[/http://groups.yahoo.com/group/nour\\_islamna](http://groups.yahoo.com/group/nour_islamna)